

Селәнә избач

Үдин хот уух цагла Борис Хечиев Садовск МТС-и зургъадгч тракторн бригадин тәрәнә хош тал ирв.

— Юн шин соньн зәнъг авч ирвч? — гидж механизатормуд сурцхав.

— „Огонек“ гидг журналд „Кубань Азовиг ягъдж кўц-джәнә“ гидг статья барлгддж, — гидж Борис келв. — Соньстн умшдж өгнәв. Тер журналан умшсна хөбн, багъ наста избач „Малин хот-хоолин көр-нъг — эрдни-шишә“ гидг кўундвр кев.

Аршань-Зельмень гидг поселкд Борис Хечиев шин кун — ирәд хойр сар болджана. Тер цагт тәрәнә хуралгъна гүдү цаг билә. Шин ирсн көвүн, комбайна ард үлдсн соллом чигн хурав, бункерәс гарсн буудә чигн зөбв. Көдлмшнь дегд кўцәнъгъүстә билә. Бригадт йовад, сул цагтан Борис хара суудг уга билә: уурмүдтән шин газет, журнал дектрәс тасрхас умшдг билә, ду чигн дуулдг билә...

Терүнә хөбн эн шунмгъа, билгтә көвүг селәнә избач болтха гидж шиидв. Борис даалгъсн көдлмшән тән седкләр эклв. Эн көвүн клубд гардг эрсин газетин болн бригадт гардг „боевой листокин“ гарлгъ ясулв, клубин гериг кеерүлв, орс болн хальмг келәр лозунгс бичв.

— „Хатханчг“ гидг эрсин газет гаргъхла яях гилж көвүн санв. Дуту-дунд манд ода чигн дала. Эн тоотла ноолдх кергтә.

— „Хатханчг“ гидг эрсин газет манд ик кергтә, — гидж комплексн бригадин бригадир Е. В. Пазухин келв.

Лида Бойкова, Галя Эрендженова гидг баахн колхозницнр соньн замәткс авч ирв, зүсн-зүүл өвәрц зург зурх уүлдврмүдин тускар келдж өгв. Тер зургудин дор библиотекарь Валентина Герляева шоглгсн шүлгүд бичв.

Амрар келхд, „Хатханчг“ цань уга сән, хурц болв, тер учрар Хечиев хойрдгч номер белдв. Эн цагла, багъ наста избачин нөкднр хойр холвал өсв.

Багъчудт өминь клубд уудвртә билә. Тедн домино нааджагъад, тардж оддг бәәсмн.

— Эн кевәр цаарндан бәәдж болшго. Көвүд-кўүкдиг сән төр бәрлг кех кергтә, — гидж Борис тоолад, клубд киносеанс эклхин өмн, әмтилә кўундвр кергәд, чанъгъар олд газет болн журналмуд умшдж өгв. Художественн самодеятельностин көдлмш чигн ясрв, Алдр Октябрин 40-ч өбнд белдлгън чигн икдв. Лидия Тюрбева, Василий Мутулов, Роза Бамбышева, Михаил Санджиев, Николай Болдырев — эдн клубд өлр болгън ирдг болцхав.

Тав дакдж хальмг көвүд-кўүкдин ду-биигъин репетиц болв. Тедн дунд билгтә-эрдмтә багъчуд чигн бәәцхәнә. Улгүрлхд, Роза Бамбышева, Михаил Сангаджиев хойр частушкс дуулна. Николай Болдырев сәәхн биилнә. Шүлг умшдг әмтс хальмг поэтсин шүлгүд умшцхана.

Борис Хечиев Аршань-Зельменд ирәд хойрхн сар болджана. Болв эн багъ шунмгъа шамдгъа көвүг поселкин әмтс цугъар таньцхана.

И. НОВОСЕЛЬЦЕВ.